



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



u partnerstvu sa Opštinom Rudo

Izveštaj o održanom prvom mentorskom sastanku u okviru javnog poziva za predaju projektnih prijedloga u sklopu projekta Regionalni program lokalne demokratije na Zapadnom Balkanu (ReLOaD2) u opštini Rudo

U okviru Javnog poziva za organizacije civilnog društva/nevladine organizacije za predaju prijedloga projekata, koji se sprovodi u sklopu projekta „Regionalni program lokalne demokratije na Zapadnom Balkanu“ (ReLOaD2)¹ u saradnji sa Opštinom Rudo, u četvrtak, 24. novembra 2022. godine u terminu od 11.00 do 13.15h održan je prvi od tri planirana mentorska sastanka za zainteresovane predstavnike/ice organizacija civilnog društva (OCD). Prvi mentorski sastanak održan je u prostorijama Doma kulture i bio je prilika da predstavnici OCD-a sa mentorom javno diskutuju o nedoumicama i dilemama u okviru pripreme projektnih prijedloga.

Termin prvog mentorskog sastanka definisan je u samom **Javnom pozivu za predaju projektnih prijedloga u sklopu projekta Regionalni program lokalne demokratije na Zapadnom Balkanu 2 (ReLOaD2) u opštini Rudo**, na zvaničnoj internet stranici Opštine Rudo, te Razvojnog programa Ujedinjenih nacija (www.undp.org). Dodatno je poziv za učešće na prvom mentorskom sastanku upućen organizacijama civilnog društva i nakon održanog prvog dijela obuke u upravljanju projektnim ciklusom (PCM).

Prvom mentorskom sastanku prisustvovalo je ukupno šest učesnika/ca (predstavnik/ca šest OCD), od čega četiri žene i tri muškarca.

Na početku mentorskog sastanka, učesnicima je pojašnjena uloga mentora i svrha održavanja mentorskih sastanaka. Tom prilikom je naglašeno kako je uloga mentora **da pomogne u otklanjanju dilema i nedoumica koje predstavnici OCD mogu imati tokom pripreme projektnih prijedloga**, ali da **uloga mentora nije da na bilo koji način učestvuje u izradi samih projektnih prijedloga**. Istaknuto je takođe da u cilju osiguranja i primjene transparentnog pristupa realizacija mentorstva, konsultacije „jedan na jedan“ sa predstavnicima OCD nisu dozvoljene. Nakon uvodnog predavljanja svrhe mentorskih sastanaka i planiranog načina rada mentor je dao mogućnost prisutnima na sastanku da iznesu svoje dileme i postavbe pitanja.

Tokom diskusije razgovarano je o sljedećim temama:

1. Definisane ciljne grupe i angažman osoblja

Najviše pitanja i nedoumica bilo je u vezi sa definisanjem ciljne grupe i angažmanom projektnog osoblja i vanjskih saradnika (edukatori i drugo stručno osoblje).

Odgovor: Mentor je naglasio kako u skladu sa Smjernicama za aplikante i Javnim pozivom ciljna grupa isključivo mora biti rezidentno stanovništvo Opštine Rudo. Također je naglasio kako ciljna

¹Regionalni program lokalne demokratije na Zapadnom Balkanu (ReLOaD) finansira Evropska unija (EU), a provodi Razvojni program Ujedinjenih nacija (UNDP).



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



grupa mora biti podijeljena na direktne i indirektne korisnike, objašnjavajući kako su direktni korisnici osobe s kojima projekat radi i osobe koje imaju direktnu korist od samog projekta, a da su indirektni korisnici osobe koje imaju indirektnu korist od projekta navodeći primjer da indirektni korisnici mogu biti roditelji djece koja pohađaju određene edukacije, njihovi školski drugovi i slično. Mentor je naglasio kako ciljna grupa ne mogu biti članovi udruženja, nego se ona odnosi na širu društvenu zajednicu u Opštini Rudo. Naveo je kako ciljna grupa mora biti definisana po spolu, te eventualno po socijalnoj isključenosti (osobe s poteškoćama u razvoju, manjine, marginalizovane grupe stanovništva).

Također je pojasnio razliku između projektnog osoblja i angažovanog osoblja. Projektno osoblje zahtijeva angažman minimum projektnog koordinatora koji će koordinirati implementaciju projekta, dok je angažovano osoblje koje se uključuje u projekat u skladu sa aktivnostima, navodeći primjer kako je za određenu edukaciju potreban angažman edukatora. Također je naglašeno kako je edukator projektni trošak.

2. Način dostavljanja dokumentacije

Predstavnici organizacija nisu bili sigurni na koji način dostavljaju dokumentaciju.

Odgovor: U skladu s Javnim pozivom i Smjernicama za aplikatne prisutnima je pojašnjeno kako se sva dokumentacija (obavezna i dodatna) dostavlja u elektronskoj formi, izuzev ovjerene kopije važećeg Izvoda iz sudskog registra dobijene od nadležnog ministarstva/suda u Republici Srpskoj (RS) i kopije završnog godišnjeg finansijskog izvještaja za 2021. godinu (dokument bilans stanja i bilans uspjeha), koje se dostavljaju u printanoj verziji.

3. Teritorij implementacije projekta

Učesnicima nije bilo jasno na kojoj lokaciji trebaju implementirati projekat. Pojedini predstavnici OCD su namjeravali organizovati studijske posjete drugim gradovima.

Odgovor: Organizacijama je pojašnjeno kako sve projektne aktivnosti moraju biti realizovane na području opštine Rudo, izuzev u slučajevima ako u ovoj Opštini ne postoji odgovarajuća infrastruktura. Mentor je naveo primjer organizacije škole plivanja: npr. s obzirom da u Rudom ne postoji bazen, a škola plivanja za određenu kategoriju stanovništva je definisana kao prioritet, onda škola plivanja može biti organizovana u prvoj susjednoj opštini koja ima bazen.

4. Ostala pitanja

Organizacije su se interesovale o visini budžeta, odnosno o evaluaciji projekta u dijelu administrativnih kapaciteta, ukoliko organizacija aplicira prvi put, kao i o mogućnosti korištenja prostora u vlasništvu Opštine Rudo u toku trajanja projekta.

Organizacijama je pojašnjeno kako je preporuka da, ukoliko nemaju prethodna iskustva, apliciraju s projektom manje vrijednosti. Također im je pojašnjeno da, ukoliko žele koristiti prostor Opštine Rudo, za vrijeme trajanja projekta obezbijede opštinsku saglasnost.



Finansira
Evropska unija

Regionalni program lokalne demokratije na Zapadnom Balkanu 2 ReLOaD2



Tokom prve mentorske sesije učesnici su predočili mentoru nacрте projektnih dokumenata, te je mentor na licu mjesta komentarisao nacрте i otklanjao dileme koje su učesnici/predstavnici OCD imali.

Na kraju sastanka mentor se zahvalio prisutnim predstavnicima OCD na učešću te najavio da će u toku novembra i decembra biti organizovana još dva dijela obuka za pisanje projekata i dva mentorska sastanka, a sve kako bi predstavnicima/acama OCD-a bila pružena podrška prilikom pripreme projektnih ideja, i to:

1. **Drugi dio obuke za pisanje projekata (Logički okvir) u utorak 29. novembra 2022. godine u 9.00 h** (mala sala Doma kulture).
2. **Drugi sastanak sa mentorom u petak, 2. decembra 2022. godine u 11.00h** (mala sala Doma kulture).
3. **Treći dio obuke za pisanje projekata (Planiranje aktivnosti i budžeta) u utorak 6. decembra 2022. godine u 11.00h** (mala sala Doma kulture).
4. **Treći sastanak sa mentorom u četvrtak, 8. decembra 2022. godine u 11.00h** (mala sala Doma kulture).

Potvrdu o prisustvu na mentorskim sastancima potrebno je poslati na projekti@opstinarudo.com.

U svrhu transparentnosti, svi zapisnici, uključujući i ovaj, sa održanih sastanaka sa mentorom će biti objavljeni na stranici Opštine Rudo. Na ovaj način će se omogućiti da informacije budu dostupne za OCD koje nisu bile u mogućnosti da prisustvuju sastancima sa mentorom.